

Pangasinan - Mampikasi Salmo - WP Psalms

Salmo 68:1 Ombabangon so Dios tan bubuyaken to ray kalaban to.

Ombabatik ya atalo iray mamobosul ed sikato!

Salmo 5:9,10 Ag napanmatalkan so salita daray kalaban ko; labay da labat so manderal. Maamuyot so panagsalita ra, balet napnoy makapatey a panamalikdo. 10 Dusam pa ra, O Dios; magmaliw komun a kaderalan da iray komplut da; Pagit mo pa rad arap mo, lapud amayamay a kasalanan da tan lapud ilalaban dad sika.

Salmo 11:6 Ipepelag toy ngalab tan mandarlang ya asupri ed saray totoon maoges; dusaen to ra na makasinit a dagem.

Salmo 18:14 Ataytayak iray kalaban to nen pinapana to ra; diad panamegley na saray kirmat, pinapakoyat to ra.

Salmo 18:17 Inyagel to ak ed saray makapanyarin kalaban ko, tan amin da ray mamobosul ed siak, ta ag ko nayariay ontan lan inkabiskeg da!

Salmo 18:39 Iitdan mo ak na biskeg a mibakal, tan pananalo ed saray kalaban ko.

Salmo 18:45 Onkakapoy so linawa ra tan manggiwgiw iran onsisingger a manlapud saray tirinsira ra.

Salmo 27:11 Katawan, ibangat mo ak pad labay mon gawaen ko, tan itonton mo ak ed dalan ya anggapoy kaatapan, ta amayamay iray kalaban ko.

Salmo 35:1-8 Sumlang mo pa ray onsusumlang ed siak, O Katawan, tan labanan mo ray onlalaban ed siak! 2 Alam pay samper tan say kawes mon para bakal, ta dago mo ak ya iyagel. 3 Iyayag mo pay pikam tan say wasay mo ed saray mangoosil ed siak. Isipan mo pan ilaban ak. 4 Natalo tan napelag komun ed kababaingan iray malabay a mamatey ed siak! Napapoliktar tan nagegewgew komun iray mankokomplut sumpad siak! 5 Magmaliw ira komun a singa taep ya itiktikyab na dagem, na oosilan iray anghil na Katawan! 6 Ambilonget tan andanglel komuy dalan da, no kakabilen iray anghil na Katawan! 7 Anggan anggapoy makasengeg, pinatitan da ak tan angotkot iray aralem ya abut a

pangerel dad siak. 8 Balet naderal iran ag da amta; naerel irad dilin patit da tan ompatey ira.

Salmo 52:5 Kanyan say Dios deralen to ka ya anggad angga; singkaten to ka tan ipaway to kad panaayaman mo; ekalen to kad dalin da ray mabilay.

Salmo 60:12 Lapud tulong na Dios, manalo kami; taloen to ray kalaban mi.

Salmo 66:3 Kuanyod Dios, Makapakelkelaw iray gagawaen mo! Diad kabaleg na pakayarim, sitatakot ya ondadakmomod sika iray kalaban mo.

Salmo 68:35 Makapataktakot so Dios no ompapaway ed santuario to say Dios na Israel. Iitdan toy pakayari tan biskeg iray totoo to. Idayew yoy Dios!

Salmo 70:1 Ilaban mo ak pa, O Dios! Katawan, tulongan mo ak natan!

Salmo 71:13 Saray ondodogpad siak et natalo tan naderal ira komun. Saray malabay a mamasakit ed siak et nalemlemew tan napelag ira komun ed kababaingan.

Salmo 76:12 papaabebaen to ray mapaatagey a prinsipi, tan tataktakoten to ray arari diad tapew na dalin.

Salmo 118:10 Niliktub ak na amayamay a kalaban; balet pinapatey ko ra diad panamegley na pakayariy Katawan!

Salmo 118:12 Singa ra bayaung ya angambungal ed siak, balet naoput iran tampol a singa pinoolan a sinigit; pinapatey ko ra diad panamegley na pakayariy Katawan.

Salmo 149:8,9 pian nabolor day galonggolong iray arari, tan saray pangulo ra na balatyang a golonggolong; 9 pian nadusa da ray bansa onung na ingganggan na Dios. Sikato yay pananalo na saray totoo yoy Dios. Idayew yoy Katawan!

**Pastor T. John Franklin
Church of Salvation, Healing, and Deliverance
COS-HAD.org**